

«Эл-юртимизнинг эзгу орзу-истакларини рўёбга чиқариш, бу йўлда ров бўлиб турган турли тўсиқларни, бюрократизм, лоқайдлик, таъмагирлик, коррупция каби салбий иллатларни дадиллик билан кўтариб чиқиб, уларга қарши мурасасиз жамоатчилик фикрини шакллантиришни ўз касби, ўз ҳаётининг маъно-мазмуни деб биладиган журналистларни мен ҳақиқий журналист деб ҳисоблайман».

O'zingni angla!



HURRIYAT

Mustaqil gazeta

2017-yil 28-iyun, chorshanba

№ 26 (1037)

1996-yil dekabr dan chiqa boshlagan

Elektron manzil: info@uzhurriyat.uz

www.hurriyat.uz

МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИГА

Қадри дўстлар! Аввало, сиз, азизларни — юртимиздаги барча журналистлар, газета ва журналлар, теле-радиоканаллар, нашриёт ва матбаа корхоналари фидойиларини, муҳтарам фахрийларни Матбуот ва оммавий ахборот воситалари ходимлари куни билан чин қалбимдан самимий муборакбод этиб, сизларга ўзимнинг чуқур ҳурмат-эҳтиромим, эзгу тилакларимни изҳор этишга руҳсат бергайсиз.

Кундалик ҳаётимизнинг ажралмас қисми бўлган оммавий ахборот воситалари ҳақида сўз юритганда, биз, аввало, доимо янгилик излаб, янгиликка интилиб, ҳаётнинг қайноқ нуқталарига кириб борадиган, ҳолислик ва ҳаққонийлик, Ватан ва халқ манфаатларини биринчи ўринга қўядиган олижаноб ва масъулиятли касб эгаларини тасаввур қиламиз.

Ҳурматли юртдошлар! Бугун мамлакатимиз қатори Ўзбекистон оммавий ахборот воситалари ҳам мустақиллик йилларида катта ривожланиш йўлини босиб ўтганини барчамиз яхши биламиз ва бундай ютуқлар билан ҳақли равишда фахрланамиз.

Ҳозирги кунда республикада 1500 дан зиёд оммавий ахборот воситаси фаолият кўрсатмоқда. Биргина Ўзбекистон Миллий телерадиокомпанияси таркибидagi телеканалларнинг бир сутка давомидаги умумий эфир вақти 616 соатни ташкил этмоқда. Ҳолбуки, мустақилликдан олдин бу рақам бор-йўғи 48 соатга тенг эди, холос.

Эътиборга молик жиҳати шундаки, оммавий ахборот воситаларининг таркиби ҳам тубдан ўзгариб бормоқда. Буни юртимиздаги барча телеканалларнинг қарийб 53 фоизи, радиоканалларнинг эса 85 фоизи нодавлат оммавий ахборот воситалари экани ҳам тасдиқлайди. Яқин кунларда иш бошлайдиган, кечаю кундуз узлуқсиз фаолият олиб борадиган «O'zbekiston — 24» телеканали миллий ахборот маконига ўз муносиб ўрнини ва ўз томошабинларини топади, деб ишонамиз.

Бу ҳақда сўз юритганда, энг тезкор ахборот воситаси — Интернет ҳаётимизга тобора чуқур кириб бораётганини алоҳида қайд этиш лозим. Ҳозирги вақтда глобал тармоқда Uz доменли веб-сайтлар, ахборот порталлари сони 400 дан ошиб кетгани, уларнинг аксарияти хорижий

тиллarda фаолият кўрсатаётгани, ушбу йўналишда янги ижодий авлод — Интернет журналистлари шаклланиб бораётгани эътиборга сазовордир.

Албатта, бундай натижаларга эришишда оммавий ахборот воситаларини ривожлантириш масаласи давлатимиз ва жамиятимизнинг доимий диққат марказида бўлиб келаётгани ҳал қилувчи роль ўйнамоқда. Ана шундай эътибор туфайли ўтган даврда журналистларимиз учун фаолият майдонини кенгайтириш, уларнинг ҳуқуқ ва манфаатларини таъминлаш мақсадида кўп ишлар қилинди. Жумладан, матбуот ва оммавий ахборот воситаларини либераллаштириш ва ривожлантириш, сўз эркинлигини таъминлашга қаратилган, демократик талаб ва стандартларга тўла жавоб берадиган 10 га яқин қонун ҳужжати қабул қилиниб, бу борада мустақкам ҳуқуқий база яратилди.

Ўзбекистон Журналистлари ижодий уюшмаси, Миллий матбуот маркази, Электрон оммавий ахборот воситалари миллий ассоциацияси, Мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди каби ташкилотлар муваффақиятли фаолият кўрсатмоқда. Кейинги пайтда уларнинг қаторига Халқаро пресс-клуб ҳам қўшилди.

Сиз, азизларга яхши маълум, бугунги кунда мамлакатимизда китоб маҳсулотларини нашр қилиш ва тарқатиш тизими самарадорлигини ошириш, китобхонлик маданиятини юксалтириш масаласига катта аҳамият берилмоқда. Бундай муҳим вазифани амалга ошириш учун юртимизда 118 та нашриёт, 1 минг 760 та матбаа корхонаси, минглаб ижодий ва техник ходимлар фаолият олиб бормоқда. Уларнинг саяё-ҳаракатлари билан ҳар йили 7 тилда 60 миллион нусхадан ортиқ китоб чоп этилмоқда.

Албатта, бу ҳақда кўп гапириш мумкин. Лекин ана шу миқдор кўрсаткичларини сифат кўрсаткичларига айлантириш, шу асосда оммавий ахборот воситаларининг ҳақиқий тўртинчи ҳокимият бўлиб майдонга чиқишига эришиш, миллий медиа майдонимизда фикрлар ва қарашлар ранг-баранглигини таъминлаш бугунги кунда долзарб вазифа бўлиб қолаётганини барчамиз яхши тушунамиз.

Бу борада 2017-2021 йилларда Ўзбекистон Республикасини янада ривожлантириш бўйича Ҳаракатлар стратегиясида энг муҳим устувор йўналишлар белгилаб берилгани сизларга яхши маълум, албатта.

Халқ билан мулоқот, одамларнинг орзу-интилишлари, дарду ташвишлари билан яшаш давлат сиёсати даражасига кўтарилаётган бугунги кунда ҳар бир оммавий ахборот воситаси чинакам мулоқот майдончасига, эркин фикр минбарига айланган тақдирдагина биз ўз олдимизга қўйган мақсадларга эриша оламиз.

Айниқса, ҳаётимиздаги мавжуд муаммоларни, жойларда ташкил этилган Президентнинг Халқ қабулхоналари ва Виртуал қабулхонада аҳоли томонидан кўтарилаётган ўқир ва долзарб масалаларни, уларнинг сабаб ва омилиларини очиб бериш, жамиятимизда танқид ва ўзини ўзи танқид руҳини кучайтириш, афсуски, оммавий ахборот воситалари фаолиятида ҳали тўла ўз ифодасини топгани йўқ.

Бугун замон шиддат билан ўзгармоқда. Ҳаёт барчамиздан дадил ҳаракатларни, фаол ташаббусларни, ҳамма соҳада ҳаққоний ва одил муносабатни талаб этмоқда. Кўпни кўрган, сабр-тоқатли, меҳнатқаш ва олижаноб халқимиз амалга оширилаётган ана шундай муҳим ўзгаришларнинг натижасини кутмоқда.

Эл-юртимизнинг эзгу орзу-истакларини рўёбга чиқариш, бу йўлда ров бўлиб турган турли тўсиқларни, бюрократизм, лоқайдлик, таъмагирлик, коррупция каби салбий иллатларни дадиллик билан кўтариб чиқиб, уларга қарши мурасасиз жамоатчилик фикрини шакллантиришни ўз касби, ўз ҳаётининг маъно-мазмуни деб биладиган журналистларни мен ҳақиқий журналист деб ҳисоблайман.

Албатта, барчамиз яхши тушунамиз, бунинг учун оммавий ахборот воситалари вакилларидан нафақат профессионал билим ва малака, ҳаётий тажриба, ўз сўзи учун масъулият ҳисси, айна вақтда юксак гражданлик позицияси, маънавий жасорат ҳам талаб этилади. Бундай мақсадга эришиш учун оммавий ахборот воситаларига қонунчилик нуқтаи назаридан, моддий-техник, ўқув-услубий таъминот нуқтаи назаридан янада кенг имкониятлар яратиб беришимиз керак.

Замонавий миллий журналистика мактабини яратиш кўп жиҳатдан, ав-

вало, юксак маънавий-интеллектуал салоҳиятга эга бўлган, бугунги кун талабларига жавоб берадиган малакали кадрларни тарбиялаш билан чамбарчас боғлиқдир. Бу муҳим вазифани амалга ошириш учун биз аввало тегишли олий ўқув юрталарининг моддий-техник базасини мустаҳкамлаш, таълим стандартлари ва ўқув дастурларини такомиллаштириш, профессор-ўқитувчиларнинг савияси ва малакасини ошириш, соҳага ахборот-коммуникация технологияларини кенг жорий этиш, давлат ташкилотлари ва фуқаролик институтлари, экспертлар ҳамжамияти, хорижий ва халқаро ижодий ташкилотлар билан ҳамкорликни янада кучайтиришимиз зарур.

Бугун Ўзбекистон барча соҳаларда тараққиётнинг янги босқичига қадам қўймоқда. Олдимизда турган, бир-биридан муҳим ва долзарб вазифаларни ҳал этишда, юртимизда тинчлик-осойишталик, ўзаро ҳамжиҳатлик муҳитини янада мустаҳкамлаш, халқимизнинг бунёдкорлик салоҳиятини, унинг ўз кучига, эртанги кунга бўлган ишончини ошириш, ҳаётимизда қонун ва адолат устуворлигини таъминлаш, давлат идоралари фаолияти устидан жамоатчилик назоратини амалга ошириш, бир сўз билан айтганда, халқ манфаатининг чинакам ҳимоячисини бўлишда оммавий ахборот воситалари бундан бунён ҳам фаол ҳаракат олиб борадилар, деб ишонаман.

Мен сиз, муҳтарам матбуот аҳлининг ҳаётимизни янада эркин, обод ва фаровон этиш учун доимо фидойилик кўрсатиб яшагингизни яхши биламан ва сизларни шу йўлда ўзимнинг энг яқин ҳамкорларим ва ёрдамчиларим деб ҳисоблайман. Сизларнинг машаққатли ва масъулиятли меҳнатингиз ўз муносиб баҳосини топиши, янада самарали бўлиши учун биз давлатимиз ва жамиятимизнинг барча куч ва имкониятларини албатта сафарбар этамиз.

Азиз ва муҳтарам дўстлар! Барчангизни бугунги касб байрамингиз билан яна бир бор самимий кутлаб, сизларга сиҳат-саломатлик, олижаноб фаолиятингизда омад ва ютуқлар, хондонларингизга файзу баракат тилайман.

Доимо соғ-омон бўлинг, азизлар!

Шавкат МИРЗИЁЕВ,
Ўзбекистон Республикаси
Президенти

27 ИЮНЬ — МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИ КУНИ

ХАЛҚ ИШОНЧИ ВА МАСЪУЛИЯТ

Давлатимиз раҳбари Шавкат Мирзиёев раҳнамолигида ҳаётимизнинг барча жабҳаларида амалга оширилаётган кенг кўламли ислохотлар оммавий ахборот воситалари ходимларидан янада фаол, ҳозиржавоб, ташаббускор бўлишни, мамлакатимизда кечаётган янгилашни жараёнларини чуқур таҳлил асосида ёритишни талаб этмоқда.

Ўзбек Миллий академик драма театрида 27 июнь — Матбуот ва оммавий ахборот воситалари ходимлари куни муносабати билан ташкил этилган тантанали тадбирда ана шу жиҳатларга алоҳида эътибор қаратилди.

Тадбирга Ўзбекистон Республикаси Олий Мажлиси Сенати аъзолари, Қонунчилик палатаси депутатлари, вазирлик ва идоралар, жамоат ташкилотлари вакиллари, фахрий журналистлар, ноширлар, матбаачилар, олий ўқув юрталарининг журналистика факультетлари профессор-ўқитувчилари ва талабалари тақдир этилди.

Ўзбекистон Республикаси Президенти Шавкат Мирзиёевнинг матбуот ва оммавий ахборот воситалари ходимларига байрам табригини Президентнинг Давлат маслаҳатчиси Х.Султонов ўқиб эшиттирди.

Ўзбекистон Журналистлари ижодий уюшмаси раиси С.Ҳакимов, Ўзбекистон Республикаси Жисмоний тарбия ва спорт давлат қўмитаси раиси Р.Қурбонов, Ўзбекистон давлат жаҳон тиллари университети халқаро журналистика факультети декани А.Матёкубов ва бошқалар истиқлолнинг дастлабки кунларидан бошлаб Биринчи Президентимиз Ислам Каримов раҳнамолигида мамлакатимизда миллий медиа соҳасини равнақ топтириш, унинг моддий-техник базасини мустаҳкамлаш, матбуотни чинакам эркин фикр мин-

барига айлантириш масалаларига алоҳида эътибор қаратилганини таъкидлади.

Президентимиз Шавкат Мирзиёев томонидан халқ билан самимий ва очиқ мулоқот ўрнатиш, одамларни ўйлангиратган масалаларга ўз вақтида ечим топиш, жамият ҳаётининг барча жабҳаларида кечаётган ислохотларни сифат ва мазмун жиҳатдан янги босқичга кўтариш, юртдошларимизнинг тинч ва осойишта, тўқин ва фаровон ҳаёт даражасини янги мазмун билан бойитиш, ёшлар маънавиятини юксалтириш борасида олиб борилаётган эзгу ишлар матбуот ходимлари зиммасига ҳам янги-янги вазифаларни қўймоқда.

Президентимиз ташаббуси билан ишлаб чиқилган 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси давлат ва жамиятнинг ҳар томонлама ва жадал ривожланиши учун кенг шароитлар яратиш, мамлакатимизни модернизациялашнинг янги истиқболларини белгилаб берди.



Суратлар муаллифи Е.Шамсидовов

Yangi

SAFIR
Apelsin
Olma-Shaftoli
Olma

Milliy shodiyona lazzati

MCHK «MASTER GLOBAL PLYUS»
www.mgp.uz
Телефон: +99871 245-76-01
Сайт: www.mgp.uz
Facebook: www.facebook.com/dolcefreshuz
Instagram: www.instagram.com/dolcefreshuz

Mahsulot sertifikatlangan
Reklama

БОЙСУН МЎЪЖИЗАЛАРИ

» ОНА ЮРТ БЎЙЛАБ

Юксак чўққилар, ваҳимали даралар, дунёга машхур горлар, баланд ва серсув шаршаралар, қалин арчазору жўшқин дарёлар, серсув булоқлар, қадимий дарахтлар ва бошқа табиат ёдгорликлари кўрқидан баҳра олиш ниятида Сурхондарёнинг Бойсун туманига сафар уюштирдик. Уч-тўрт кун вақти-вақти билан жала куйиб, эчқисўқмоқ йўлларни сирпанчиқ қилиши ижодий гуруҳнинг пурвиқор тоғларда юришини бироз мушкуллаштирди. Шундай бўлса-да, экспедициямиз олдига кўйган мақсадига тўлиқ эришди.

Дастлаб «Бойсун» ўрмон хўжалигининг Кенгдала бўлимига йўл олдик. Бир тепаликка чиқишимиз билан шундоққина пастликдаги чуқур дара эътиборимизни тортди. Бойсунликлар уни Қизилдара дейишар экан. Дарадаги жарлик ҳосил қилган шўрхоқ тошлар, турли шаклдаги қизғиш ва сарғиш харсанглар жуда мафтункор. Шу боисди, бу ерда кўплаб фильмлар тасвирига олинган.

Қизилдара табиат мўъжизаларидан бири. У ердаги харсанглар қумтош, сланец, оҳақтош, мрамар, гранит, кварц каби жинслардан иборат бўлиб, шамол, ёмғир, иссиқ-совуққа чидами ҳар хил бўлганидан йиллар

янада чирой бахш этиб турибди. Йўлда давом этдик. Қир-адирлар, боғлар ортада қолди. Чамаси ярим соат юриб, Дарбанд дарасига кирдик. Пастда Мачай дарёси тўлиб оқаяпти. Баъзи жойларда сув тошдан-тошга урилиб, чўнг тўлқинлар ҳосил қилмоқда. Дарё июль ойигача пишқириб оқади. Бундай пайтда ундан отла ҳам, машинада ҳам ўтиб бўлмайди. Шу боис ҳар-ҳар жойда бир неча мустақам кўприк барпо этилиб, тоғ қишлоқларига бориш имконияти яратилган. Ўзи ҳам шу кўприклардан ўтиб, юксак чўққилар томон ўрлаймиз. Мана бизни маҳлиё қилган ваҳимали дара. Деворси-

орқали тумanning бир неча қишлоғига етказиб берилаяпти. Ундан ортада Мачай дарёси сувини сезиларли даражада кўпайтирмоқда. Соҳа мутахассислари ва олимларнинг эътирофи этишича, қоя ортида улкан ер ости кўли бўлиб, Хужа Майхона ота булоғи суви шу кўлдан

заррин нурлари остида Қизилнавр қишлоғидан виқорли тоғлар сари отландик. Бойсун тоғи баланд ва маҳобатли. Улкан Қизилнавр шаршараси шу тоғнинг денгиз сатҳидан икки ярим минг метр баландлигида жойлашган. Унинг яқинига бориш учун икки ярим соат вақт



чикиб келади. Қолаверса, 8-9 километр олинсадаги тоғ тепасида жойлашган тектоник ёриқ, яъни Зинданақ чуқурлигига кираётган кўп миқдордаги қор сувлари ҳам айнан шу улкан булоқдан чиқиши аниқланган.

Мачай дарёси буйлаб улкан дара ичидан бир чақиримча юргач, очқикликка чиқдик. Кечга яқин атрофи арчазорлар билан қопланган Қизилнавр қишлоғига етдик. Май ойи бўлишига қарамасдан, ҳаво салқин. Қишлоқ ўртасидан оқиб ўтаётган дарё буйлари саритол ва наъматак каби турли буталар билан қопланган. Улар орасида Ўзбекистон «Қизил китоби»га киририлган чаканда ўсимлиги ҳам борлигидан хурсанд бўлдик.

ШАРШАРА ПОЙИДА Сафаримизнинг иккинчи куни. Ҳаво очик, Эрталабки кўёшнинг

сарфладик. Мана ўша бетакрор шаршара. Очиги, ўлкамизда бундай баланд шаршарани ҳали кўрмаган эдик. Яқинига боришнинг иложи йўқ. Сув ерга урилиши билан гўмбурлаб, бир қисми майда зарраларга айланмоқда. Яқинига йўлаган кишини бир зумда жиққа хўл қилади. 250 метрлик улкан шаршарани узоқроқдан кузатишга тўғри келди.

У дунё мўъжизаларидан бири. Бундай бетакрор шаршаралар Ер юзида санокли.

Шаршара Бойсун тоғининг Тошмачит, Арпаоя, Такаўйнар, Кўнғизбулоқ даралари ва кенгликларидан қор сувлари ҳисобига ҳосил бўлган. У йил бўйи оқмайди. Фақат апрелнинг иккинчи ярмидан июлгача шовуллаб туради. Қор эриб битиши билан у ҳам қуриydi. Сунг уни борлигича томоша қилмоқчи бўлганлар келгуси йилни кутишига тўғри келади.

Абдулла МАМАСОДИҚОВ, «Dunyo bo'yab» телеканали масъул котиби



давомида емирилиб, турли кўринишдаги табиат ажойиботларини ҳосил қилган.

Қизилдара юқорисидан Бойсун тумани маркази кафтдек кўринади. Атрофи юксак тоғлар билан ўралган. Шаҳар четидан намунавий лойиҳалар асосида барпо этилган юзлаб уй-жойлар унга

фат қояларнинг баландлиги 200 метрдан ортиқ. Дара кенлиги 20-25 метр келади. Турли бута ва ўтлар яшнаб турибди. Уларни томоша қилиб Хужа Майхона ота булоғига етиб борганимизни сезмай қолибмиз. Булоқ баҳорда анча серсув. Оби ҳаётнинг бир қисми катта кувур

ASAKA BANK

ҲУРМАТЛИ ЮРТДОШЛАР!
«Асака» банк

2017 йил «Халқ билан мулоқот ва инсон манфаатлари йили» деб эълон қилиниши муносабати билан қуйидаги миллий валютадаги муддатли янги омонат турини таклиф этади:

«МАНФААТЛИ-2017»
Ушбу омонатнинг сақланиш муддати 12 ой бўлиб, ҳисобланган фоизлар ҳар ойда ёки омонат муддати тугагандан сўнг берилади.

Шу билан биргаликда, «Асака» банк миллий валютада 26 турдаги ва хорижий валютада 13 турдаги қулай шартларда омонат турларини таклиф этади. Омонатларни банкнинг барча филиалларида расмийлаштириш мумкин.

Барча омонатларингиз Фуқароларнинг банклардаги омонатларини кафолатлаш жамғармаси томонидан кафолатланади.

Сизнинг омонатларингиз:
- солиқлар ва мажбурий тўловлардан озод!
- маълумотлари сир сақланиши тўлиқ кафолатланади!
- эгалик ва тасарруф ҳуқуқи ўз ихтиёрингизда!
- миқдори чекланмаган!

(+99871) 120-39-81 | 120-39-60 | 120-39-63
www.asakabank.uz
Хизматлар лицензияланган

«Асака» банк сармоянгизни сақланиши ва кўпайишини кафолатлайди!

Reklama